

Nota:

Semua maklumat dan kenyataan di dalam risalah ini disediakan berdasarkan kepada peruntukan Akta Perancangan Bandar dan Desa 1976 (Akta 172) yang mengandungi segala pindaan hingga 1 April 2005. Tulisan berwarna merah adalah fakta tambahan.

SENARAI RISALAH YANG BERKAITAN

001	Apakah Rancangan Pemajuan?
002	Kebenaran Merancang
003	Mengapa Perlu Laporan Cadangan Pemajuan?
004	Bagaimana Menggunakan Kebenaran Merancang?
005	Penguatkuasaan Perancangan Bandar
006	Caj Pemajuan
007	Lembaga Rayuan Perancangan Bandar
008	Notis Rekuisisi (Permintaan)
009	Notis Pembelian
010	Tahukah Anda Pokok Mempunyai Hak?
011	Warisan Senibina dan Kepentingan Sejarah
012	Garis Panduan dan Piawaian Perancangan
013	Senarai Pihak Berkuasa Tempatan (PBT) dan Jabatan Perancangan Bandar dan Desa (JPBD) di Semenanjung Malaysia
014	Mengenali Perancangan Bandar dan Desa
015	Siapa Pihak Berkuasa Perancang Tempatan (PBPT) Anda?
016	Apakah Pembangunan Mampan?
017	Local Agenda 21
018	Apakah Peranan Awam dalam Penyediaan Rancangan Pemajuan?
019	Undang-Undang Perancangan Bandar

Untuk keterangan lanjut sila hubungi:

Bahagian Perundangan, Perancangan dan Kawal Selia
**JABATAN PERANCANGAN BANDAR DAN DESA
SEMENANJUNG MALAYSIA**
Kementerian Perumahan dan Kerajaan Tempatan
Jalan Cenderasari
50646 Kuala Lumpur
Tel: 603-2698 9211 Fax: 603-2698 7371
www.townplan.gov.my



Siri 017

2005

Edisi Kedua

Local Agenda 21 (LA21)

- Latar belakang Local Agenda 21 (LA21):
 - » Agenda 21 berasal dari persidangan Earth Summit di persidangan Rio de Janeiro, 1992;
 - » Agenda 21 menekankan alam sekitar dan pembangunan yang seimbang dan mampan;
 - » merupakan program tindakan pembangunan mampan global dan angka “21” menandakan abad ke-21;
 - » ditandatangani oleh lebih 178 wakil kerajaan termasuk Malaysia; dan
 - » Agenda 21 mengandungi 40 bab yang kesemuanya berhubung dengan pembangunan mampan; dan bab 28 Agenda 21 bertajuk “Usaha Pihak Berkuasa Tempatan (PBT) Dalam Menyokong Agenda 21”.
- LA21 ialah suatu **program untuk masyarakat, sektor swasta dan PBT** (majlis bandaraya, majlis perbandaran, perbandaran, majlis daerah, majlis bandaran, lembaga bandaran, majlis tempatan, lembaga luar bandar) **bekerjasama untuk merancang dan menguruskan kawasan persekitaran mereka ke arah pembangunan mampan.**
- Melalui LA21 masyarakat tempatan boleh melibatkan diri untuk mengenalpasti dan mengkaji isu-isu pembangunan mampan, membentuk pelan tindakan untuk menangani isu-isu tersebut dan melaksanakan pelan tindakan itu.
- Pendekatan asas program ini ialah **pendekatan bottom-up**, atau dari akar umbi ke atas. Ini bermakna, **penduduk-**

penduduk tempatan sendiri akan terlibat dalam menentukan pelan tindakan bagi kawasan masing-masing.

- Sebagai contoh, penduduk tempatan terlibat secara langsung mengenai perbincangan, bengkel atau aktiviti berkaitan dengan isu-isu tempatan.
- Antara contoh isu yang boleh dibangkitkan adalah seperti isu banjir dan sistem perparitan, isu pencemaran alam sekitar, isu pengangkutan dan lalulintas, isu perumahan dan isu sosial dalam komuniti serta isu-isu lain.



LOCAL AGENDA 21

Apakah Manfaat LA21?

- **Sebagai individu**
 - » Pendapat anda diambilkira dalam perancangan dan pelaksanaan program-program untuk meningkatkan kualiti hidup anda;
 - » PBT yang lebih peka dan berkesan kepada keperluan-keperluan anda;
 - » alam sekitar yang lebih selesa dan kualiti hidup yang lebih tinggi; dan
 - » meningkatkan rasa bangga, cinta dan tanggungjawab kepada alam sekitar anda.


- **Sebagai persatuan atau syarikat**
 - ▶ Meningkatkan imej pertubuhan anda sebagai badan masyarakat atau korporat yang bertanggungjawab dan peka terhadap keperluan-keperluan masyarakat tempatan dan pihak-pihak berkepentingan yang lain;
 - ▶ menjalankan program-program dengan lebih berkesan kerana adanya kerjasama dari pihak-pihak yang berkepentingan lain;
 - ▶ peluang untuk merancang dan menguruskan pembangunan alam sekitar kawasan anda bersama-sama dengan PBT;
 - ▶ peluang untuk memberi input kepada dasar-dasar dan kaedah operasi tempatan yang memberi kesan kepada alam sekeliling dan kualiti hidup masyarakat tempatan; dan
 - ▶ peluang berkhidmat untuk masyarakat.



- **Sebagai Wakil Kerajaan**
 - ▶ Meningkatkan persefahaman antara masyarakat dengan pihak kerajaan;
 - ▶ meningkatkan sokongan masyarakat kepada program-program yang akan membawa manfaat kepada semua; dan
 - ▶ mempertingkatkan imej sebagai wakil kerajaan yang mempraktikkan

tadbir urus yang baik dengan adanya **penyertaan awam, ketelusan, kepekaan, kesepakatan, keberkesanan dan kecekapan, lebih bertanggungjawab dan berwawasan strategik.**

Kaedah-Kaedah Pelaksanaan LA21



Rakan-Rakan Usahasama LA21



Apakah Peranan Anda?

- Sertailah pertubuhan-pertubuhan, program-program dan aktiviti-aktiviti alam sekitar dan sosial dalam kawasan anda.
- Hubungilah PBT untuk menyertai program-program alam sekitar dan sosial.
- Didiklah anak-anak dan kawan-kawan supaya mencintai alam sekitar.



Kaitan LA21 dengan Perancangan Bandar dan Desa

- Kaitan LA21 dengan perancangan bandar dan desa dapat dilihat pada aspek penyediaan rancangan pemajuan.
- Seranta bagi rancangan tempatan dan rancangan struktur merupakan penglibatan pihak tempatan secara langsung dalam perancangan bandar dan desa.
- Pihak awam juga terlibat dalam kawalan pembangunan yang dikuatkuasakan oleh pihak berkuasa perancang tempatan (PBPT); pihak awam boleh membantah atau menyatakan pendapat terhadap sesuatu pemajuan atau pembangunan di kawasan tempatan berdasarkan alasan yang tertentu.
- PBT merupakan PBPT bagi kawasan pentadbirannya, oleh yang demikian ini menunjukkan dengan jelas kaitan LA21 dengan perancangan bandar dan desa.